

Landesbibliothek Oldenburg

Digitalisierung von Drucken

**Sebastiani Castellionis Sacrorvm Dialogorum Libri
Qvatvor, Qvos Postremo Ipse Recognovit: Argvmenta
Singvlis Dialogis Praeposvit, Et Sententias Svbiecit ...**

Châteillon, Sébastien

Francofurti, 1761

VD18 12886300

Jacobvs Redvx.

urn:nbn:de:gbv:45:1-18303

ſ. Optime. Ego hic erigam cippum ex hoc faxo: vos mei propinqui accumulate lapides. Capiamus cibum ſuper hoc tumulo. *L.* e) Hic hodie tumulus erit medius teſtis inter me & te. *ſ.* Perplacet. Atque ex hac re vocetur Galatas. *L.* Aut etiam Maſpha, ut ſignificet, Deum aſpecturum, quid fiat a me & te, cum diſceſſerimus alter ab altero. Quod ſi tu eris durus meis filiabus, aut ſi duces alias in matrimonium præter eas, tum hæc pacta perinde ſunto, atque ſi nulla facta ſint. Atque hujus quidem rei teſtis eſto Deus utrique. Vides hunc tumulum, vides & hunc cippum, quem extruxi inter me & te? Hic tumulus, & hic cippus, teſtes ſunto, neque me adverſum te, neque te adverſum me tranſiturum eos ad nocendum. Deus Abrahami & Deus Nachoris, utriusque patrius, ſunto noſtri vindices. *ſ.* Ego conjuro per terrorem mei patris Iſaaci. Atque ut hæc ſint ſanctiſſima, faciam hodie ſacrificium in hoc monte, ad cujus epulas vos omnes invito. *L.* Condicimus.

SENTENTIA.

Deus ſuos tuetur ab adverſariis.

JACOBVS REDVX. Genef. 33.

ARGVMENTVM.

Jacobus ex Meſopotamia rediens, Eſavum fratrem donis placat.

B 5

Eſavus,

e) Etiam res inanimatæ teſtes ſunt, non illæ quidem verbis, ſed re.

Eſavus, Jacobus.

O Salve multum, mi frater chariffime. *J.* Salve & tu plurimum germane mihi optatiffime. *E.* Ut te libenter amplector post longum spatium temporis? *J.* Et mihi profecto jamdiu nil fuit jucundius, quam nunc videre te incolu- mem. Itaque præ gaudio non teneo lachrymas. *E.* Nec ego possum non flere, ita totus lætitiæ gestio. Sed quid sibi vult iste grex mulierum & puerorum, quos tecum ducis? *J.* Uxores sunt, & liberi, quibus me Deus, quæ sua est liberalitas, ditavit. *E.* Quid autem sibi vult totus ille grex, quem offendi veniens? *J.* Volui te eo dono mihi placere. *E.* a) Satis multa habeo frater habere tibi tua. *J.* Ne repudia me, quæſo: si te mihi propitium habeo, accipies a me munusculum. Nam b) quod vidi faciem tuam, videor mihi vidisse numen quoddam: nec mirum, qui mihi tam facilis fueris. Itaque quæſo, ut accipias a me munusculum, quod ad te adductum est: postquam Deus pro sua benignitate tam multis bonis me cumulavit, ut ulla re caream. *E.* Quando urges tantopere, accipio, etsi nihil opus erat. Age eamus, ego ibi una tecum. *J.* Scis pueros esse teneros, ovesque & capras & boves prægnantes: quod si fatigentur vel unum diem, actum est de ovibus & capris omnibus, interibunt. Sed amabo, i præ: ego pergam clem-

a) Vincitur interdum feritas officiis.

b) Prudens & adversario non noxia, sed potius utilis simulatio.

menter & placide, prout postulant ea, quæ præ me duco, ipsique pueri, donec veniam ad te in Seir. *E.* Saltem relinquam tibi aliquot ex meis comitibus. *J.* Quid opus? gere obsecro mihi morem.

SENTENTIA.

Potentiorum ira comitate & submissione est lenienda.

JOSEPHVS VENDITVS. Gen. 37.

ARGUMENTVM.

Josephum ob invidiam vendunt fratres mercatoribus Ismaelitis.

*Simeon, Levi, Ruben, Josephus, Judas,
Mercatores.*

Ecce vobis somniator ille. Agite occidamus eum, dejiciamusque corpus ejus in aliquam specum. *L.* Sed quid renunciabimus patri de eo? *S.* a) Devoratum esse ab aliqua fera. Videbimus quorsum evadant ejus somnia. *R.* Impium sit maculare manus sanguine pueri, idque fratris, deducimini ab ista mente: nihil potestis gravius consulere in nos, aut in patrem nostrum. *S.* Unde tibi incessit ista nova religio? Vis ergo finamus eum vivere, qui suis insomniis portendit, nos omnes, ipsosque adeo parentes, fore sibi supplices? An non dignus est, qui eat somnium apud inferos? *R.* Frater, si ita futurum est, quæ caveas? sin minus? quid times, usque adeone indignum tibi videtur, si puer imperitus somniavit?

a) Peccatum parit mendacium.